



9









ADVENTUS  
**DOMINI ET**  
SALVATORIS NO-  
STRI JESU CHRISTI  
TRIPLEX.

*Nimirum;*

1. CARNALIS, seu humilis
2. VERBALIS, seu mysticus, &
3. REGALIS, seu gloriosus,

HEROICO CARMINE  
*Conscriptus*

A

SALOMONE EICHLERO, G. S.

Anno abeunte  
M. DC. XXIV.

•••••

BEROLINI, Typis Georgij Rungij.





*Magnifico, Strenuo ac Nobilissimo Viro, auctoritate, Con-  
siliorum gravitate, plurimorum maximarum rerum  
usu prestantissimo*

**DN. SIGISMUNDO A GÖREN**

Illustriss. Elect: Brandenburg. à Consilijs inti-  
mis & secretioribus, Capitaneo Gramzoviensi,  
& hereditario in Rosenthal/ &c.

Domino ac Mœcenati omni observantia & devota  
animi subiectione semper suo colendo.


*Hæc qualesquales lucubratiunculas debite honoris,  
gratulationis & gratitudinis ergo, submissè  
dat, dicat & consecrat*

editis.

AUTOR.



De  
TRIPLICI DOMINICO ADVENTU,  
*Carmen heroicum.*

 Empora labuntur serie labante dierum  
Anni præsentis, redeunt felicibus anni  
Auspiciis iterum primordia læta futuri  
Credenti populo, dum Christi Ecclesia Sponsa  
Dogmata ab integro repetit cœlestia, cari  
Adventum testata sui lætataq; Sponsi.

Plaudite Christicolæ, divini plaudite vates,  
Plaudite Pastores, Christi grex credule plaude.  
Pastor jò! nunc pastor jò tuus ille fidelis  
Advenit ecce tibi, Christi pia plaudito caula.  
Advenit en DOMINUS, venit, adveniensq; salutem  
Pacem, læticiam, cœlestia gaudia secum  
Adportat cunctis sanctè sua jussa sequutis.

Ergò age depositis mens' expergiscere curis,  
Læta salutiferum pronis amplectitor ulnis  
Hospitem, & in laudes venientis ab æthere Christi.  
Adventu tanti REGIS tantiq; MONARCHÆ,  
Adventus Natiq; DEO, natiq; Mariâ  
Incipe Mœnatio mecum decurrere versu.

Et tu qui cœli venisti è sede REDEMTOR  
Ad nos quiq; venis sacrati mnnere verbi  
Cottidiè, rursusq; idem qui crederis ólim



Venturus iudex vivis fragiliq; solutis  
Corpore nunc quoq; Christe veni, delabere cœlo  
Nunc placidè, mentemq; meam nūc Numine sacro  
Christe tuo comple, caleant præcordia motu  
Fac agitante tuo, tu Christe, in carmina, quorum  
Meta tuæ laudes, præsentis suggere vires.  
Sic tenui nostrâ celebrabère sæpe Camœnâ  
Te veniente die, te, decedente canemus.

ORDINE, PRINCIPIO, longo volvente dierū <sup>I.</sup>  
Et quo decepti sceleratâ Dœmonis arte <sup>Adventus</sup>  
Stemmatis autores humani Numinis iram <sup>carnalis</sup>  
Æterni subiêre gravem, pœnasq; nefandas, <sup>seu exina-</sup>  
Jam magis atq; magis Satanæ (namq; adfore <sup>nitiois.</sup>  
(tempus  
Mox fatale sibi quo colla tumentia semen  
Virgineum premeret divinâ calce videbat)  
Crescebat rabies, crescebat dira tyrannis;  
Omnibus exhaustos jam casibus omnium egenos  
Adamidas cernens cœli de vertice Christus,  
Dictorumq; memor (nec enim de semine quôdam  
Virgineo data primævo promissa parenti  
Exciderant animo, manet altâ mente reposta  
Callida fraus Hydræ, captæq; injuria matris)  
Sic secum : Tantisnè ideo sub casibus omni  
Tempo-



Tempore progenies Divûm suppressa jacebit?  
Siccinè perpetuis jaëtabitur ergò procellis  
Tantis auspicijs tantaq; ab origine ducta (arum  
Stirps hominum, tam nobile opus manuumq; me-  
Fabrica divina ducens ab imagine formam?  
Non ita: Namq; etsi legis moderamina nostræ  
Ausu transgressi pœnas meruêre protervo:  
Me tamen esse DEUM facilem, me numen amicum,  
Me factosq; autore homines, meminisse docebit.  
Adde, quod & falsâ decepta cupidine mater  
A Sathanâ, crimen, sperans meliora, patravit,  
Quocirca casus miseræ miseratus acerbos,  
In Satanamq; odijs sceleratum incensus amaris  
Ultorem fraudis reparatoremq; salutis  
Promisi, promissa DEUS sine fraude, sine omni  
Perfidiâ perfecta dabo, luet impia pœnâ  
Hydra mihi commissa gravi mihi nigra patefcent  
Tartara victa manu validâ, mors atra facefset  
Morte meâ destructa, sacro referetur Olympo  
Progenies Adæ, Christo duce & auspice Christo,  
Novi etenim, novi me talia fata manere,  
Novi primævo de me promissa parenti (rem,  
Quæ dederit Pater omnipotens, nunc tempus agi  
(Nunc tempus lapsam miseris reparare salutem,  
Christe bonis, nunc Christe pijs accingere cœpris.)



Talia clementi sub corde salutifer autor  
Evolvens jam ritè suum finire parabat  
Officium, optatosq; sinus, sedesq; relinquit  
(Quantus amor!) patrias: Geminorum ex arce po-  
lorum

In mundum veniens nostrâ sub imagine nostras  
Perlustrat terras, nostros DEUS optimus artus  
Suscipit, infirmum nostro de corpore corpus:  
Scilicet, ut cœlo miserum delapsus in orbem  
Nos cœlo reduces ex orbe referret avito:  
Ut de carne trahens nostrâ sine crimine carnem,  
Carnem servatam super alta reponeret astra.  
Adventuq; suo subiens tecta hospita mundi  
Adventum superas nobis repararet ad auras.  
Quid moror? Æterno (cessas in vota precesq;  
Mortalis cessas?) Genitus Genitore J E H O V A  
Servit, & abjectus nostræ sub pondere culpæ  
Pauper, inops, humilis, nudus, contemptus & exsul  
Progreditur sanctam populo comitatus ad urbem  
Sublimis tergo lentè gradientis a felli.

Sed tales pompas, tales, pie Christe, triumphos,  
Tales incessus tibi deliciasq; canebat  
Zacharias vates: Nimium lætare Sionis  
Filia, proclamans, tuq; ô lætantia pange  
Jubila stirps Solymæ, tibi REX tuus æthere clarò

Adve-





Advenit emissus talis, quo justior alter  
Nec pietate viget, nec fessis addere rebûs  
Auxilium potior: Mansuetus hic atq; benignus  
Ultrò pauperiem pro te perpeffus iniquam  
Advenit aurito veniens equitatq; caballo.

Primus hic advento Christi, quo crimina mun-  
Morte piaturus veniens è sede paternâ (di  
Induit humanum corpus, carnemq; caducam  
Æternum λόγον nostrâ sub imagine texit.

O amor! ô pietas mirabilis! ecce creata  
Nè miserè pereant, miserè perit ipse creator.  
Ne nos pauperie tristi sine fine premamur,  
Paupertatis onus rerum subit ipse Monarcha.  
Factus homo est, natusq; hominis, quo sanguine  
Humano fratresq; suos natosq; Parentis (cretos  
Supremi faceret, faceret Deitate potiri.

Quid nunc officij meritis pro talibus ergò  
Reddemus pie Christe tibi? quas dicere laudes  
Occipimus miseri? Grates persolvere dignas  
Non opis humani est, nulla est facundia tanta,  
Accipe, quæ, miserâ mundi dum valle moramur,  
Parva tibi ferimus submissæ munera vocis,  
Donec in æternæ, duce te & rectore, salutis  
Provecti portum sine fine modoq; catervâ  
Cum radiante poli modulemur in æthere cantus.



Hunc primum post adventum, exempla- II.  
(ria nobis *Adventus*  
Adventum Christi memorant divina, SE- *verbalis*  
(CUNDUM, *seu mysti-*  
*cus.*

Quo per vivifici cœlestia dogmata verbi,  
Perq; sacratarum mysteria cœlica rerum  
Nostras cottidiè, visens dulcissimus hospes,  
Invisit mentes, DOMINIq; timentia corda  
Ingreditur, figitq; sibi hîc per secula sedes,  
Perq; suum verbum præsens ubicunq; locorû est,  
Cuncta replet præsens per Sacramenta sacrara.  
Tu modò mandatis maneat, mandataq; serves  
Gens humana fidem, sancti in Baptismatis almo  
Fonte, tuo Regi promissam fœdere certo.  
Hunc tibi præsentem studio venerare perenni  
Obviaq; huncce FIDE veniètem amplectere firmâ  
Hunc purâ cole mente, tuo, ne crimine tetro,  
Limine propulses, penitusvè procacibus ausis.  
Sic tibi cottidiè sic obvius ipse feretur,  
Sic præstò tibi semper erit, præsensq; petenti  
(Ne dubita) dabit auxilium, teget atq; fovebit.

Pandite nunc Heliconæ Dæ, nunc pro- III.  
(mite cantus *Adventus*  
Pierides Musæ, magno nunc ore lonandum *Regalis seu*  
*gloriosus.*

TER-



TERTIUS adventus, dicendus carmine, CHRISTI;  
Tertius ADVENTUS Christi, quo nube reversus  
Judicio Judex sistet justissimus omnes.

Quis luctum illius lucis? quis gaudia fando  
Explicet? aut dignis queat exclamare figuris?  
Non humili ulterius Christus subvectus a fello  
Incedet, non servus erit, non ora, redibit,  
Mancipij faciemq; levis vestitus, ut olim:

Sed magnâ omnipotens Heros comitante catervâ  
Cœlicolûm summo cœli de vertice in æthram  
Victor equis currum niveis agitabat eburnum.

Hinc atq; hinc denso glomerabitur agmine  
(cœtus

Angelicus, dextrumq; latus claudensq; sinistrum  
Lætus jò! lætâ ingeminabit voce triumphum:  
Hunc decet omnis honos, hunc omnis gloria solû  
Atq; trophæa decent; plausu comitata frequenti  
Cœlica turba canet, resonabit in æthere cantus.

Rex ipse ante alios Christus pulcerrimus o-  
(mnes

Læta trophæa gerens, & majestate tremendus  
Descendet, sanctâq; suâ se sede locabit.  
Tum clangore tubæ cœlestis & æthere missâ  
Angelici magnâ præconis voce citabit  
Corpora de tumulis & cassa cadavera luce.

Exani-



Exanimes trunci Christo inclamante resurgent  
Continuò dispersa vigor per membra vietus  
Volvetur, sociusq; statim calor olsa revifet.  
Omnes tunc adeò gentes à morte reductas,  
Corporibusq; suis cinctas membrisq; novatis  
Orbis terrarum cunctis vocitabit ab oris  
Terribili iudex ad justum voce tribunal.

Hic hircos Christus iudex disjunget olentes  
A niveo grege lanigero, dirâq; malorum  
Secernet lernâ turbam, quæ ritè sequuta  
Jussa verenda DEI puram sine crimine vitam  
Degit in his terris vero pietatis amore,  
Hanc lætis cœli regnis nitidisq; reponet  
Sedibus, æternâ DOMINUS vitaq; beabit;  
Illam sed turpi maculatam labe cohortem,  
Cujus habet cœcas scelus insatiabile mentes,  
Tristibus (horrendum dictu) lacrymabilis Orci  
Transmittet claustris, ubi plurima mortis imago,  
Luctus ubi trepidusq; pavor, gemitusq; dolorq;  
Inferniq; ignis flammæ scelerata sequentur  
Pectora perpetuum demtâ spe finis in ævum,  
Dum Christi contrâ jussis operata caterva,  
Consiliumq; sequuta DEI, dum vita manebat,  
Incolet ætherei Paradisi florea tempe  
Conspectuq; DEI semper sine fine fruatur.

Hic



Hic sacra lux, hic vera quies, hic gaudia semper  
Talia versabunt hilari se mente piorum,  
Qualia non oculo cujusquam visa, nec aure  
Sunt percepta, queant ullo nec pectore fingi.  
Ver erit æternum fragranti cœlica flore,  
Attria ridebunt, veteres absterget ocellis  
Justorū lacrymas DOMINUS nova gaudia subdens.

O ter felices! ô terq; quaterq; beatos  
Queis ante ora DEI cœlorum in sede beatâ  
Vivere contigerit, semper coramq; tueri  
Trinum individua Numen DEITATIS & UNUM.  
O miseros verò! ô inopes! ô deniq; tristes!  
Horricos Erebi (procul ô procul omnia cœtu  
Talia Christe tuo prohibe) per secula larvas  
Cernere quos vitæ patrata piacula cogent.

O ergò ô homines altum excussisse veternum  
Fas erit, ô semper, semper vigilemus, agamus  
Excubias semper vigiles, studeamus honestis,  
Dum licet, atq; pijs monitis, ut ritè parati  
Tristitia procul atq; metu gelidoq; pavore  
Adventum DOMINI magnum opperiamur, & o-  
Ejus in occursum pacatâ mente feramur, (mnes  
Sicq;, ubi magnificâ se majestate reducet  
Arbiter, æthereas ipsum comitemur ad oras.

A M E N.

T. ©. Δ.







ULB Halle  
002 677 830

3



56

Nv 1999

(1/69.)


VD 17











208934

NTUS  
NI ET  
DRIS NO  
CHRISTI  
LEX.

virum;  
seu humilis  
seu mysticus, &  
seu gloriosus,  
CARMINE  
scriptus

ICHLERO, G. S.  
abeunte  
C. XXIV.

Typis Georgij Rungij.

